

tur, eò quod prædicatum sit gentibus tam Orientalibus, quam
Occidentalibus, tam Septentrionalibus, quam meridionalibus.
Idem dicit *Maldonatus in Comment. super Matth. cap. XXIV. 14.*
Non potuisse hoc fieri in omnibus vicis, & superiori seculo
fuisse multas gentes, quibus ne semel prædicatum Dei verbum,
& adhuc inveniri. Si quæras causam, cur non omnibus Evan-
gelium sit prædicatum? Calviniani non eam esse dicunt *obsti-*
natam gentis rejectæ malitiam, quam tamen Scriptura S. ipsa-
met dicitur *Matth. XXIII. 37. Quoties volui te congregare, ut*
Gallina suos pollos, sed noluisti, Et Ose. XIII. 9. Perditio tua ex Te
Israël; sed ad nudum & merum Dei beneplacitum referunt ut vi-
dere est è Canonibus Dordrechtanis cap. I. de Prædest. can. 8. & 9.
quibus refutant expressè eos, qui docent: *Deum neminem ex*
mera justa sua voluntate decrevisse in lapsu Adæ & in communi
peccati & damnationis statu relinquere, aut in gratia ad fidem &
conversionem necessarie communicatione præterire. Et paulò
post eos quoque damnant, qui docent, causam, cur Deus ad hanc
potius, quam ad aliam gentem mittat Evangelium, non esse merum
& solum Dei beneplacitum, sed quod hæc gens melior & dignior sit
eà, cui Evangelium non communicatur. Idem dicere coguntur
Pontificii salvâ isthac hypothese, nec aliam prætendit *Bellarmin.*
l. 2. de grat. & libr. arbitr. c. 2. dum expressè dicit propositione
secundâ: *Auxilium gratiæ DEi non æqualiter omnibus adest.* Et
provocat postea ad eadem Scripturæ dicta, quibus Calviniani
suam probare satagunt sententiam de absoluto decreto, ex
Matth. XIII. Vobis datum est nosse mysterium regni Dei, cæ-
teris autem non est datum. Et ad Rom. IX. Cujus vult, misere-
tur, & quem vult, indurat &c. adeò ut mirum, tantum Cardi-
nalem sui partim fuisse obliviosum, dum *cap. I. se & plerosque ali-*
os Theologos (quos vocat) Catholicos ab hac sententia alie-
nos esse dicit; partim injuriosum, dum Megalandro nostro ean-
dem malitiosè ascribere non veretur, & cum Calvino con-
jungit, quasi una istorum fuerit sententia. Nos hinc in iis re-
futandis prolixi non erimus, sed pro Universalitate Vocationis
Evangelicæ asserendâ sequentia tantum annectemus, scil. quod
nobis sufficiat *mandatum DEi universale, ut omnibus annun-*
cietur